



28. september 2010

Inatsisartut Suleriaasiat § 36, imm. 1 naapertorlugu Naalakkersuisunut apeqquteqaateqarpunga:

Naalakkersuisunut apeqqut:

2010-mi Inatsisartut upernaakkut ataatsimiinneranni aaliangiunneqarpoq, Naalakkersuisut misissuineramik suliaqassasut, qulaajarlugulu kalaallit ilinniartut nunatsinni, Danmarkimi, nunanilu allani qanoq inuuniarnikkut atugaqarnerat. Siunertaralugu atugarisaat pitsanngorsaaffigineqarnissaat naligiimmillu atugaqalernissaat.

Misissuineq tamanna sumut killeqarpa?

(Inatsisartuni ilaasortaq, Niels Thomsen, Demokraatit)

Tunngavilersuut:

Siunissami nunarsuarmioqatitsinnut unammillerluarsinnaassagutta, allaninngaanniit pitsaanagerusariaqarpugut. Ilinniartariaqarpugut, allaninngaanniit silatunerujumalluta.

Ilinniartariaqarpugut allaninngaanniit pitsaanagerusunik isumassarsiorumalluta.

Ilinniartariaqarpugut, sapinngisamik atorfiit qaffasinnerusut nunaqavissunik inuttalerneqarnissaat anguniarniarlugu.

Tamannalu ilaatigut isumaqarpoq, inuusuttut ilinniarusuttut atugarisaat pitsaasumik sinaakkusissagatsigit, pitsaasumik periarfissikkumallugit ilinniarnerminnik naammassinissaannik.

Tamanna tunngavigalugu Demokraatit nuannaarutigivaat, Inatsisartut upernaakkut 2010-mi ataatsiminneranni taasissutigineqarmat, Naalakkersuisut misissuineramik suliaqassasut, qulaajarlugulu kalaallit ilinniartut nunatsinni, Danmarkimi, nunanilu allani qanoq inuuniarnikkut atugaqarnerat. Siunertaralugu atugarisaat pitsanngorsaaffigineqarnissaat naligiimmillu atugaqalernissaat. Misissuineq Inatsisartut ukiakkut ataatsimiinnginneranni piareersimasussaagaluarpoq.

Demokraatit ilisimatitsissutigissuaat, Inatsisartut ukiakkut ataatsimiinnerat aallartereeremat, sulilu Naalakkersuisuniit tusagaqarsimanata, misissuineq taakkartorneqartoq pillugu. Qilanaarisimavarput misissuinerup misissorluarnissaa, tamatumalu inerniliussai. Taamaattumik kissaatigaarput paasissutissinneqarnissarput suliap sumut killinneranik.

Qinnuiginarpoq apeqquteqaatip ullut qulit qaangiutsinnagit akereersimaneqarnissaa.